



NASTAVAK PROVOĐENJA HIDROGEOLOŠKOG PROJEKTA

Polovinom marta 2022. godine kompanija Eastern Mining je započela drugu fazu projekta dopunskih hidrogeoloških istraživanja koja će trajati mjesec dana. U prethodnom broju smo vas upoznali sa ovom vrstom istraživanja koja se odnosi na unošenje trasera odnosno otopine natrij fluoresceina u bunarsku buštinu, odnosno ovaj put u raskop. Raskop podrazumijeva rupu određenih dimenzija u koju se ulijeva otopina. Uzorke vode uzimamo na tačno određenim lokacijama, a nakon toga analiziramo u internoj laboratoriji na Tisovcima. Svrha istraživanja je ustanoviti uticaj budućeg rudarenja na okolna područja lokacije Rupice. Na ovaj način pokazujemo odgovoran pristup lokalnoj zajednici, a i šire te nastojimo provesti sva istraživanja visokog nivoa kao što je i ovaj. Ova vrsta istraživanja se inače provodi širom svijeta, a otopina koja se ulijeva nije štetna za floru, faunu kao ni za čovjeka. Nakon mjesec dana ona potpuno nestaje iz podzemlja. Nakon ovih aktivnosti pristupamo izradi izvještaja o čijim rezultatima ćete se moći upoznati u kompaniji Eastern Mining.



ODRŽANA OSMA SJEDNICA ODBORA ZA ODNOSE SA LOKALNOM ZAJEDNICOM

U sali Općine Vareš, 24.2.2022. godine, održana je osma po redu sjednica Odbora za odnose sa lokalnom zajednicom (PLC) kompanije Eastern Mining. Dnevni red sjednice započeo je razmatranjem zapisnika i zaključaka sa prethodne tj. sedme sjednice PLC-a, a zatim su predstavnici kompanije Eastern Mining predstavili aktivnosti koje su se desile u prethodnom periodu uz kratak osvrt na planirane aktivnosti.



Pored ustaljenih tačka dnevnog reda, fokus osme sjednice PLC-a bio je na prezentaciji trenutnih i planiranih građevinskih radova na lokalitetu Rupice te strategije zapošljavanja u kompaniji Eastern Mining.

Ono što je važno spomenuti je činjenica da je trenutno u kompaniji zaposleno 45 zaposlenika sa područja općine Vareš, što čini 60% od ukupnog broja zaposlenika.

Menadžer za ljudske resurse, Hanadi Željo, je naglasila da će zapošljavanje lokalnog stanovništva i dalje biti prioritet te da će se kadrovi koji nedostaju i koji nisu prisutni u našoj općini tražiti u susjednim općinama, posebno u općinama Kakanj i Breza, čije predstavnike imamo i u Odboru za odnose sa lokalnom zajednicom te će ovo biti još jedna u nizu dobrih saradnji sa navedenim općinama.

Kao i prethodne, osma sjednica je provedena u aktivnoj interakciji članova PLC-a sa predstvincima kompanije Eastern Mining.

STRATEGIJA ZAPOŠLJAVANJA KOMPANIJE EASTERN MINING

Kompanija Eastern Mining u svom radu bilježi stalan rast novih zaposlenika. Sa decembrom 2021. godine, u kompaniji je bilo zaposleno 76 osoba, a u martu 2022. godine ukupan broj zaposlenih je 91. Važno je naglasiti da trenutno u kompaniji radi 60% domaćeg lokalnog stanovništva, što je prioritet i prema strategiji zapošljavanja. Ono na što smo posebno ponosi jeste činjenica da su u kompaniji zaposlene 24 žene (oko 25% od ukupnog broja zaposlenika) i s tom praksom se približavamo cilju od 30% zaposlenih žena u Eastern Mining-u. Pohvalno je da su žene zaposlene u svim sektorima kompanije, kako u administrativnom, okolišnom i društvenom, geološkom, tako i u sektoru projektovanja i zaštite na radu.

S tim u vezi, ponosni smo da kompanija Eastern Mining predstavlja primjer drugim kompanijama i institucijama te da na ovaj način razbijamo predrasude o zapošljavanju žena u rudnoj industriji. Kompanija nastavlja sa trendom rasta novih zaposlenika kako se aktivnosti povećavaju sa prioritetom zapošljavanja lokalnog stanovništva i ubuduće. Raduje nas i činjenica da će se povećavanjem broja radnika razviti i lokalni obrti i osnažiti privreda općine Vareš.



Konferencija o budućnosti održivog poslovanja na Zapadnom Balkanu – ESG

Konferencija „Okolišni, društveni i standardi korporativnog upravljanja (ESG) i Zapadni Balkan - Prema održivom poslovanju“ održana je 26.01.2022. godine u Sarajevu. Ponosni smo da je Vildana Mahmutović, šef odjela za održivost kompanije Eastern Mining, prisustvovala navedenoj konferenciji te u najboljem svjetlu predstavila poslovanje kompanije sa posebnim osvrtom na okolišni i društveni aspekt. Zahvaljujući svom višegodišnjem iskustvu u radu na okolišnim i društvenim projektima stranih donatora u BiH, ali i saradnji sa lokalnim konsultantskim kompanijama na pripremi procjene uticaja na okoliš i društvo, Vildana Mahmutović je istakla da je Projekat Vareš kompanije Eastern Mining dokaz da je ESG strategija primjenjiva i u rudarskom sektoru i poslovanju.

U svom obraćanju na spomenutoj konferenciji naglasila je da je sam Projekat od početka izazovan zbog nedostatka historijskih statističkih podataka o uticaju rudarenja na okoliš tokom prethodnih rudarskih operacija na području općine Vareš koje datiraju još od 14. stoljeća. Eastern Mining je u saradnji sa lokalnim konsultantima, laboratorijama i institucijama u mnogome poboljšao situaciju sa ulaznim podacima važnim za okoliš i za buduće radove. Što se tiče društvenog aspekta, Vildana Mahmutović je istakla da su na tom polju provedena detaljna anketiranja stanovništva, prikupljeni demografski podaci te uspostavljena izvrsna saradnja sa lokalnom zajednicom i svim zainteresovanim stranama te naglasila da je osnovni cilj kompanije da u svojim aktivnostima poštuje okolišne standarde i zakone kako bi se očuvala životna sredina lokalnog stanovništva i da se lokalna zajednica razvija i osnažuje paralelno sa Projektom Vareš.

